

ԼԻԱՆԱ Ս. ՆԱԶԱՐՅԱՆ
ԳԱԱ պատմության ինսդրիվուս

ՔԱՂԿԵԴՈՆԱԿԱՆՈՒԹՅԱՆ ՏԱՐԱԾՈՒՄԸ ՏԱՅՔՈՒՄ

Բանալի բառեր՝ Տայք, քաղկեդոնականություն, Հայոց եկեղեցի, Վրաց եկեղեցի, Եպիսկոպոս, «Վրացի», Գրիգոր Խանձրեցի, Դավանանց:

Մեծ Հայքի Տայք նահանգում տարածվեց և խոր արմատներ ծագեց քաղկեդոնականությունը: Այն իր հետքը թողեց նահանգի ազգային, լեզվական և մշակութային նկարագրի, ինչպես նաև Երկրանվան փոփոխման վրա: Դավանական գործոնով պայմանավորված՝ Տայքը և դրա բնակչությունն աստիճանաբար «Վրացականացավ», որը բնորոշում էր նրանց դավանանքը և ոչ թե՝ ազգությունը¹: Քաղկեդոնականության տարածման պատճառով անգամ Կուրապաղատությունը և նրա կառավարիչները հայկական միջնադարյան աղբյուրներում հաճախ կոչվել են «Վրացի», «Վրաց աշխարհի», «Վրաց ազգ», «կրոնով Վրացի», «Վրաց իշխան կամ կուրապաղատ» և այլն:

Տեղի բնակչությանը «Վրացի» տերմինով բնորոշելու տիպիկ և լավագույն մեկնաբանությունը տվել է Հակոբ Կարնեցին. «Եւ էին բնակիչք Երկրիս [Տայքի - Լ.Ն.] կէսն Հայ ազգաւ և կէսն

¹ Մուրադյան Պ., Հայաստանի վրացերեն արծնագրությունները, աղբյուրագիտական ընտրություն, Ե., 1977, էջ 16-18, 22-23, տե՛ս նաև՝ Mapp H.Я., Ահի, Ե., 1939, էջ 156:

կրօնիք Վրացի, բայց Հայի լեզուաւ խօսէին»²: Իսկ ըստ Միհիթար Գոշի՝ «թէ Վրացի զՀայ մկրտէ եւ կամ թէ Հայ զՎրացի»³: Այսինքն՝ ինչպես հայերն էին ընդունում երկարնակություն, այնպես է՝ վրացիներն էին ընդունում Հայոց եկեղեցու դավանանքը:

Տայքում քաղկեդոնականների երևան գալու և նրանց համայնքի մասին առաջին վկայությունները պահպանվել են հայքաղկեդոնական Եղակի սկզբնադրյուրում՝ «Narratio de rebus Armeniae»⁴ («Պատմություն հայոց հարցի մասին») երկում, որում նշվում է, որ «պատերազմ տեղի ունեցավ... Փոկաս կայսեր [602-610] Ե (5) տարին և Խոսրովի [Խոսրով II, 590-628 - Լ.Ն.] Ի (20) տարին: (...) Այն ժամանակ էր, որ հերետիկոս Արքահամ կաթողիկոսը⁵ ստիպեց Հովհաննեսի⁶ բաժնի եպիսկոպոսներին նզովել Քաղկեդոնի ժողովը, հակառակ դեպքում՝ հեռանալ Հայաստանի շրջաններից: Վերջիններս չհամաձայնվեցին և նրանցից ունանք անցան Տայք, ունանք հոռոմոց երկիրը և վախճանվեցին օտարության մեջ»⁷: Այսպիսով, VII դ. առաջին տասնամյակում Տայքում նկատվում են քաղկեդոնական տարրեր, իսկ երկրամասը կոչվում է հայկական ծևով՝ «Տայք»: Հիշյալ միտքը գրե-

² Յակով Կարնեսի, Տեղագիր Վերին Հայոց Յիշատակարան Ժ. դարու, Վաղարշապատ, 1903, էջ 17-18:

³ Միհիթար Գոշ, Թույթ առ Վրացին՝ յաղագու ուղափառութեան հաստոյ, Մատենագիրը Հայոց, հ. Ի, ԺԲ դար, գիրք Բ, Ե., 2014, էջ 458:

⁴ Բարթիկյան Հ., «Narratio de rebus Armeniae», Հայ-բյուզանդական հետազոտություններ, հ. Ա, Ե., 2002, էջ 97-110: Աղբյուրի գիտացնական արժեքի մասին մանրամասն տե՛ս Մելիքյան Կ., «Narratio de rebus Armeniae» հայքաղկեդոնական երկը վաղ միջնադարյան Հայոց եկեղեցու պատմության կարևոր սկզբնադրյուր, Ե., 2007:

⁵ Խոսքը Արքահամ Ա Աղքաթանեցու (607-610) մասին է:

⁶ Հովհաննեսը Հայաստանի հունական մասի հակաթոռ կաթողիկոս երնշանակվել Մորիկ կայսեր կողմից 591 թ.:

⁷ Բարթիկյան Հ., «Narratio de rebus Armeniae», էջ 107:

թե նոյնությամբ կրկնվում է «Վրաց և հայոց քաժանման մասին» վրացերեն մի աշխատությունում, որի հեղինակը IX դարի երկրորդ կեսի Վրաց կաթողիկոս Արսեն Սափարացին է. «Աքրահամ կաթողիկոսը քշեց Այրարատից Քաղկեդոնի ժողովի կողմնակից քահանաներին և Հռվիան՝ վանահորն սուրբ կաթողիկեին...Նրա կողմնակից քահանաներին, վորոնք գնացին՝ մի մասը հոյների մոտ, մյուազ՝ Տայք (Swajr)»⁸: Այսինքն՝ Երկրամասում քաղկեդոնականության տարածումը սկսվել է VII դ. սկզբներին, սակայն իշխանական վերնախավում այն ընդունվել է միայն IX դ., երբ Բագրատունիները Բյուզանդիայի կայսրերից տիտղոսներ ստացան՝ հիմք դնելով կուրապաղատների ժառանգական իշխանությանը:

Սակայն քաղկեդոնականությունը Երկրամասում նոյնիսկ IX–XI դդ. համատարած չէր, և անգամ հոգևորականության շրջանում շարունակում էին պահպանվել Հայոց Եկեղեցու սրբերի մասին հիշողությունները:

Այդ է վլկայում Աթոսի Իվերոն վանքի XI դ. առաջին կեսի վրացերեն վարքագրական-վկայաբանական մի ժողովածու⁹: Ըստ Ն. Մառի՝ այն «Վրաց ուղղափառ Եկեղեցու հետ կապված հայոց համար է հատկացված»¹⁰: Գիտնականի այս ուշագրավ դրույթը հիմնված է ձեռագրի 349ր էջի մի նախադասության վրա, որի վերծանումը, ըստ Ն. Մառի, հետևյալն է. «Եօ

⁸ Մելիքսեթ-Բեկ Լ., Վրաց առյուրները Հայաստանի և հայերի մասին, հ. Ա (Ե-ԺԲ դար), Ե., 1934, էջ 44:

⁹ Հայոց «Վարք սրբոց»-ի վրացական խմբագրությունը. թարգմանություն հին վրացերենից և ուսումնասիրությունը Պ. Մուրադյանի, Ս. Էզմիածին, 2008 (այսուհետև՝ Հայոց «Վարք սրբոց»-ի վրացական խմբագրությունը), էջ 1:

¹⁰ Mapp H., Из поездки на Афон, ЖМНПр., 1899, N 3: Նոյնի՞ Աгиографические материалы по грузинским рукописям Ивера, ч. I, СПб., 1901, с. 47–72.

[წამებ]ანი სომხურითვან თარგმნილ არიან» – «Այս վկაյაբა- ნითველიնსხელ հայերենից են թարգմանված»: Ի. Աբովյանը այլ կերպ է վերծանում այն. «Ես լսաკոտხալցո სოմხთაგან თარგმნილ არიაն» – «Այս ընթերցելիքները հայերի կողմից են թարգմանված»¹¹: Այսինքն՝ թե՛ Ն. Մառը, թե՛ Ի. Աբովյանը չեն ժխտում ժողովածով ստեղծումը հայ քաղկեդոնական միջավայ- րում: Ավելին, ըստ նրանց, այն թարգմանվել է Տայք-Կողարքյան հայ քաղկեդոնադավան և վրացախոս միջավայրում: Պ. Մու- րայանի բնորոշմամբ՝ «պիտի ընդունել, որ վրաց ազգային եկե- ղեցու տոնելի սրբերի շարք չմտած նահատակների ու վկաների ճանաչումը կարող էր տեղի ունենալ հայկական դավանական միջավայրից աստիճանաբար օտարացող, ժամասացության լեզ- վի վրացականացմամբ հայրենի մշակութային ավանդների անհրաժեշտությունը դեռևս գիտակցող և այդ պահանջը հայե- րենից կատարվող թարգմանություններով բավարարող քաղկե- դոնական հայոց միջավայրում»¹²: Այսինքն՝ Տայքի և Կողարքի հայ հոգևորականությունը թեև յուրացնում էր վրաց գիրն ու գրականությունը, այնուամենայնիվ, շարունակում էր հիշողութ- յան մեջ պահել հայոց «Կարք սրբոց»-ից քաղված որոշ վարքեր ու վկայաբանություններ:

Ժողովածուն ընդգրկում է տասներեք վկայաբանություններ¹³, որոնցից մեզ առավել հետաքրքրում են երկուսը՝ «Ընթերցումն երկու սուլր տղա՛ եղբայրներ Դավիթ և Տիգրանի»¹⁴ և

¹¹ აშენლამე ი., ქართული და სომხური ლიტერატურული ურთიერთობა IX-X სს-ში, გამოცემულია და წარაპირი, თბილისი, 1944, კვ. 064.

¹² Հայոց «Վարք սրբոց»-ի վրացական խմբագրությունը, էջ 10:

¹⁵ Տե՛ս Նոյն տեղում, էջ 47-117:

¹⁴ Նոյն տեղում, էջ 107–114:

«Վկայաբանություն թվով ինը սուրբ մանկանց, որոնք սուրբ ավագանի մկրտությամբ հոգևոր եղբայրներ էին, իսկ ծնված յուրաքանչյուրն իր մորից»¹⁵, որոնք անմիջականորեն վերաբերում են Տայքին: Վկայաբանությունների սյուժեները զարգանուած են Տայքում:

Երկու վկայաբանություններն ել վերաբերում են մանուկների կյանքին, որոնք նահատակվել են հավատքի պատճառով: Վարքագիրը հայտնուած է, որ Դավիթ և Տիրիհան եղբայրներին նրանց մայրը՝ Թագինեն, Բասենի գավառի Օնկոմ ավանից տեղափոխուած է հյուսիսային կողմեր՝ Տայք, իրենց ազգական Վազգեն (վրաց. բնագրուամ՝ Վահգենի) իշխանի մոտ¹⁶: Դրանցից մեկուած նշվուած է, որ ծնողները «երեխաներից առաջնեկին կոչեցին Դավիթ՝ հանուն մեծն թագակիր և մարգարե Դավթի: Իսկ նրա հաջորդին՝ եղբորը, հայոց լեզվով Տիրիհան կոչեցին»¹⁷: Մանկահասակ եղբայրները սպանվուած են իրենց մորեղբայր Թևելասի կողմից, քանզի «սուրբ Երրորդության ճշմարիտ ու ուժիղ հավատ ունեին»¹⁸:

Երկրորդ վկայաբանությունը վերաբերուած է ինը մանկահասակ երեխաների, որոնք ևս նահատակվուած են հավատքի համար՝ իրենց ծնողների կողմից: Ինչպես նշվուած է վկայաբանությունուած. «Կուր կոչվող մեծ գետի ակոնքի մոտ, Կողա կոչվող գավառուամ մի մեծ գյուղ կար լիսոսքը Տայքի Կող գավառի Կրիակունք գյուղի մասին է-Լ.Ն.]: Այդ գյուղի բնակչության մեծամասնությունը հեթանոսաց կոտքերի պաշտող էր, ժողովրդի փոքր

¹⁵ Նոյն տեղուամ, էջ 115–117:

¹⁶ Նոյն տեղուամ, էջ 109:

¹⁷ Նոյն տեղուամ, էջ 107:

¹⁸ Նոյն տեղուամ:

մասը՝ քրիստոնյա, աստվածապաշտ»¹⁹: Վարքի հեղինակն ավելացնում է. «Եւ ինչպես երեխաների սովորությունն է, հավաքվում էին քրիստոնյաների ու հեթանոսների տղաները խաղալու ու խաղում օրն ի բուն: Իրիկնաժամին երեցը կոչնակուա էր, և քրիստոնյաների երեխաները եկեղեցի էին գնում աղոթելու՝ ինչպես քրիստոնյաների ծեսն է, մինչդեռ հեթանոսների թվով ինը երեխաները հետևուած էին նրանց, որովհետև ընտելացել էին քրիստոնյաների երեխաներին և սիրուած էին քրիստոնեական կրոնը: Ու երբ մոտենում էին եկեղեցու դռներին, քրիստոնյաները եկեղեցի չէին թողնում, այլ այսպես էին ասում նրանց, թե՝ «Դուք կուապաշտների որդիներ եք, և պատշաճ չեք ծեզ մտնել տունն Աստծո»²⁰: Ըստ աղբյուրի, քահանան գիշերով նոյն գետում, այսինքն՝ Կուր գետում մկրտուած է երեխաներին, որի պատճառով նրանք սպանվում են ծնողների կողմից:

Երկու աղբյուրում էլ մանուկները նահատակվում են քրիստոնեական հավատքի համար, այսինքն՝ ըստ առաջին վարքի հեղինակի, նրանց մորեղբայրը հեթանոս էր և եղբայրներին սպանում է քրիստոնյա դառնալու համար: Իսկ երկրորդ վկայաբանությունում նշվում է, որ հիշյալ՝ Կրիակոնք գյուղի բնակչության մեծամասնությունը հեթանոսական կուտքերի պաշտող էր, ժողովրդի փոքր մասը՝ քրիստոնյա, աստվածապաշտ²¹: Նահատակված ինը մանուկները հեթանոսների զավակներ էին, որոնց քրիստոնեության համար զոհվեցին: Այս երկու վարքերն էլ գրված են VIII դ. ոչ շուտ և IX դ. ոչ ուշ՝ այն ժամանակաշրջանում, երբ Տայքուած տարածվուած էր քաղկեդոնականությունը, ուս-

¹⁹ Նոյն տեղուած, էջ 115:

²⁰ Նոյն տեղուած:

²¹ Նոյն տեղուած:

տի զարմանայի է, որ վկայաբանությունները վերաբերում են քրիստոնեության և հեթանոսության պայքարին: Ընդ որում, ի տարրերություն ժողովածուում գետեղված մյուս վարքերին, այս երկուայի նահատակները՝ մանուկները, ընդգրկված չեն հայ եկեղեցու սրբերի կամ նահատակների շարքում, ավելին՝ նրանց մասին միջնադարյան այլ ժողովածուներում վկայություն չկա:

Երկու վարքերի գոյությունը փաստում է, որ դրանք ստեղծվել են Տայքի հայ-քաղկեդոնականների կողմից և հայ իրականությունից զգայիրեն օտարվելով չեն ընդգրկվել հայ մատենագրության մեջ: Երկրորդ բացատրությունը կարող է լինել հետևյալը. դրանք գրվել են Տայքի՝ Հայ Առաքելական եկեղեցու հետևորդների կողմից, ապա թարգմանվել Վրացերեն, դարձյալ դուրս չգալով քաղկեդոնական միջավայրից: Կա նաև երրորդ տարրերակ: Դա վերաբերում է վկայաբանությունների բովանդակությանը: Չի բացառվում, որ վարքում նկարագրվող քրիստոնեության և հեթանոսության պայքարի փոխարեն սկզբնապես նկարագրվել է քաղկեդոնականության և միաբնակության պայքարը՝ առաջինը Ներկայացվելով իրու քրիստոնեություն, իսկ երկրորդը՝ հեթանոսություն: Քանի որ այդ դեպքում հասարակ ժողովոյի շրջանում քաղկեդոնականության բռնի տարածման փաստերն ակնառու կլինեին, հետագա ընդօրինակությունները կամ թարգմանությունները, որոնք ընդ որում սակավ են, վերափոխել են քրիստոնեության և հեթանոսության պայքարի: Այդ իսկ պատճառով էլ դրանք չեն տարածվել հայ եկեղեցու շրջանում, իսկ վրաց մատենագրության շրջանակներում համեմատաբար քիչ են:

Այսինքն՝ այս վարքերն ու վկայաբանությունները ցուց են տալիս, որ Տայքում VIII-IX դդ. պահպանվում էին միաբնակութ-

յուն դավանող համայնքներ, իսկ քաղկեդոնականությունը, ի տարբերություն իշխող խավերի, թշնաբամար էր ընդունվում հասարակ ժողովրդի շրջանում:

Թերևս, Տայքում և հարևան Կղարջքում IX-X դդ. միաբնակություն դավանողների գոյության ոչ ուղղակի վկայության կարելի է հանդիպել այդ շրջանի վարքագրական մեկ այլ կարևոր աղբյուրում՝ Գրիգոր Խանձրեցու վարքում: Չնայած այնտեղ ուղղակի չի նշվում միաբնակություն դավանողների մասին, բայց հիշվում է ինչ որ «չարքերի» և «թշնամիների» մասին: Սրանք մշտապես հալածում են Գրիգոր Խանձրեցու աշակերտներից մեկին և ցանկանում վտարել իր վանքից: Վերջինս էլ դիմում է Խանձրեցու օգնությանը, որն էլ գնում և փախուատի է մատուում «չարքերին»²²: Այս առասպելախառն տեղեկություններն արտաքուատ որևէ արժեք չունեն, սակայն ուշագրավ են դառնում, եթե հաշվի առնենք ժամանակաշրջանը: Գրիգոր Խանձրեցին ապրել և հոգևոր գործունեություն է ծավալել IX-X դդ.: Դա մի ժամանակահատված էր, երբ Տայքում և Կղարջքում մեծանում էր քաղկեդոնականության տարածումը, որն անկասկած միանշանակ չէր ընդունվում տեղաբնիկ հայերի կողմից, ինչի ապացուցն են վերոնշյալ երկու Վարքերը: Գրիգոր Խանձրեցու աշակերտը, համաձայն վարքագրի, եկել էր Միջնաձորից և հաստատվել «Բերդի»-ում (Վրացերեն բնագրում Ցերտօնա (Բերդիսա))²³: Կարծում ենք, այս «Բերդին» Տայք նահագի Բերդաց վոր

²² Георгий Мерчул, Житие Григория Хандзтийского, перевод Н.Я. Марра (Тексты и разыскания по армяно-грузинской филологии, кн. VII), СПб., 1911, с. 113–114.

²³ Նոյն տեղում, էջ 38, 113:

գավառի Բերդիկն²⁴ է: Իսկ Տայքում մինչև IX դ. Երկրորդ կեսը հայտի էր Սահակ Մոռլը եպիսկոպոսը, որն էլ Վարդան վարդապետի վկայությամբ «հալածեալ անտի [Տայքից - Լ.Ն.] վասն հաւատոյ»²⁵: Վերոհիշյալ վկայությունների համադրությունից հետևում է, որ երբ քաղկեդոնական հոգևոր գործիչը գալիս է Տայք, հալածանքների է արժանանում տեղի հոգևորականության կողմից: Սակայն շուտով քաղկեդոնադավանները հաղթում են և հալածում ու փախուատի են մատնում միաբնակություն դավանողներին, որոնց առաջնորդ Սահակ Մոռլը Վարդանի վկայությամբ ապաստանում է Հայոց արքա Աշոտ Ա-ի (885-890) մոտ:

Այսպիսով, սկզբնադրությունների տեղեկությունների քննությամբ կարելի է փաստել Տայքում քաղկեդոնականության բռնի տարածումը, հատկապես, հասարակ բնակչության շրջանում: Այսուհանդերձ, այնտեղ անգամ XI դ. շարունակեցին գոյատևել միաբնակություն դավանողների համայնքներ:

Տայքում քաղկեդոնականության արմատավորվելուն և լայնորեն տարածվելուն նպաստեցին հատկապես Բագրատունիների վրացական ճյուղի գլխավորությամբ տեղի իշխող վերնախավի կողմից քաղկեդոնականություն ընդունելը: Տայքում քաղկեդոնականության տարածման հետևանքով Հայ եկեղեցուց ան-

²⁴ Երեմյան Ս., Հայաստանը ըստ «Աշխարհացոյց»-ի (փորձ VII դարի հայկական քարտեզի վերակազմության ժամանակակից քարտեզագրական հիմքի վրա), Ե., 1963:

²⁵ Հավաքում պատմութեան Վարդանայ վարդապետի լուսաբանեաւ, ի վենատիկ, 1862 (այսուհետև՝ Վարդան վարդապետ), էջ 85:

զատված Վրաց Եկեղեցին²⁶ սկսեց փորձեր կատարել այնտեղ տարածելու սեփական ազդեցությունը:

Սակայն Տայքը մինչև IX դ. վերջը եղել և մնում էր Հայ առաքելական Եկեղեցու Ենթակայության տակ՝ ունենալով իր Եպիսկոպոսները: Այդ են վկայում հայկական վաղմիջնադարյան աղբյուրները: Գրիգոր Լուսավորիչը կաթողիկոս ծեռնադրվելուց հետո Հայաստանի տարրեր նահանգներում կարգում է Եպիսկոպոսներ, որոնց թվում էր Տայքի Եպիսկոպոսը: Սակայն վերջինիս անոնը հայտնի չէ²⁷: Ազաթանգեղոսի երկի հայերեն խմբագրությունում հիշվում են միայն տասներկու Եպիսկոպոսի անուն, որոնց մեջ բացակայում է Տայքի Եպիսկոպոսը²⁸: Իսկ Ազաթանգեղոսի հոնական խմբագրությունում նշվում է Աղքիոս Եպիսկոպոսի անունը, որին կոչում են սպարապետական տան՝ Մամիկոնյանների Եպիսկոպոս՝ «նա Տարոնի և Տայքի Եպիսկոպոս էր»²⁹: Աղքիոսին Մամիկոնյանների Եպիսկոպոս համարելը, թերևս նրա՝ այդ նախարարական տան տոհմական տիրույթների՝ Տայքի ու Տարոնի Եպիսկոպոս լինելու հետևանք էր: Հավանաբար Ուխտանեսի հիշած Տայքի Եպիսկոպոսը հենց այս Աղ-

²⁶ Վրաց Եկեղեցու բաժանման մանրամասների ու թվականի վերաբերյալ տե՛ս Ալիխեան Ն., Կիլոն կաթողիկոս Վրաց, պատմութիւն հայ-վրական յարաբերութեանց եօթներորդ դարու մեջ, պատմական ուսումնասիրութիւն, Վիեննա, 1910, էջ 243:

²⁷ Ուխտանես Եպիսկոպոս, Պատմութիւն Հայոց, Մատենագիրը Հայոց, հ. ԺԵ, Ժ. դար, Ե., 2011, էջ 503:

²⁸ Ազաթանգեղոյաց պատմութիւն Հայոց, քննական բնագիրը Գ. Տեր-Մկրտչյանի և Ս. Կանայանցի, աշխարհաբար թարգմանությունը Ա. Տեր-Ալոնդյանի, Ե., 1983, էջ 470 (այսուհետև՝ Ազաթանգեղոս):

²⁹ Բարթիլյան Հ., Ազաթանգեղոսի Պատմության հոնական նորահայտ խմբագրությունը (Վարք), թարգմանություն թնագրից՝ Հ. Բարթիլյանի, առաջարան և ծանոթագրություններ՝ Ա. Տեր-Ալոնդյանի, Հայ-բյուզանդական հետազոտություններ, հ. Ա, էջ 178:

թիոսն էր: Զ. Ալեքսիծեն, սակայն, ժխտում է այդ փաստը՝ պնդելով, որ Տայքի եպիսկոպոսի անունը հայտնի չէ³⁰: Նա նաև հավելում է, որ դեռևս հաստատ հայտնի չէ, թե ընդհանրապես եպիսկոպոսներ ծեռնադրվել են հայերի կողմից քրիստոնեության ընդունման առաջին տարիներին³¹: Սակայն կասկածից վեր է, որ քրիստոնեության ընդունման սկզբնական ժամանակաշրջանում Գրիգոր եպիսկոպոսներ է ծեռնադրել Հայաստանում:

Մինչ Քաղկեդոնի IV տիեզերական ժողովի գումարումը (451թ.) և դրանից հետո աղբյուրները գանազան առիթներով հիշուան Տայքի եպիսկոպոսներին: Փավստոս Բուզանդը, թվելով Հռոմի և Պարսկաստանի միջև Հայաստանի առաջին բաժանումից (387թ.) հետո Պարսից բաժնի եպիսկոպոսներին, հիշուան «Եպիսկոպոսն Տայք Կիրակոս, որ Շահապ անուն կոչեր, այր ճշմարիտ աստուածապաշտ ըստ կամացն աստուծոյ, և ուժիով ճշմարտութեամբ մոածնորդէր ժողովրդեանն իւրում»³²: Տայքի հաջորդ եպիսկոպոսը, որը հիշուան է պատմիչների մոտ, Արտաշատի ժողովի մասնակից Տաճատն էր (450թ.)³³: V դ. կեսերին հայտնի էր նաև Արրահամ երեցը Տայք գավառի Ձենակս գյուղից, որի մասին վկայում է Ղազար Փարպեցին³⁴: Նա առավել

³⁰ Տղթյանօթյ Յ., զին ոյս Ծառե Ֆորցելու ցընկումուն, Խանելուրու յանձնելու, Երևանի գույքունություն, 1, Թեղագար, 2011, էջ 18:

³¹ Նոյն տեղում:

³² Փավստոսի Բիւզանդացւոյ Պատմութիւն Հայոց, թնագիրը Ք. Պատկանյանի, թարգմանությունը և ծանոթագրությունները Ստ. Մայնասյանցի, Ե., 1987, էջ 410:

³³ Ղազարայ Փարպեցւոյ Պատմութիւն Հայոց եւ թուղթ առ Վահան Մամիկոնեան, աշխատութեամբ Գ. Տէր-Մկրտչեան եւ Ստ. Մայնասեան, Տիդիս, 1904 (այսուհետև՝ Ղազար Փարպեցի), էջ 44, Եղիշէի վասն Վարդանայ եւ Հայոց պատերազմին, ի լոյս ածեալ բաղդատութեամբ ծեռագրաց աշխատութեամբ Ե. Տէր-Մինասեան, Ե., 1957, էջ 28:

³⁴ Ղազար Փարպեցի, էջ 94:

հայտնի է որպես Արքահամ Խոստովանող մատենագիր³⁵ և 463թ. ձեռնադրվել է Բզնունիք գավառի Եպիսկոպոս³⁶: Ծնունդով Տայքից էր նաև Գյուտ Ա Արքահեղացի (461–478) կաթողիկոսը³⁷, հավանական է, որ նրանք երկուան էլ իրենց հոգևոր գործոնները յունը սկսել են Տայքում, թեև աղբյուններն այդ մասին լուսմ են:

Տայքի Եպիսկոպոսը մասնակցել է նաև 506 թ. Դվինի առաջին Եկեղեցական ժողովին, որի անունն Ատատեա էր³⁸: Այդ ժողովն ուղղված էր Նեստորականության և քաղկեդոնականության դեմ³⁹: Մովսես Կաղանկատվացին հիշում է Տայքի Եպիսկոպոս Ստեփանոսին, որը մասնակցել է հայոց հավատը հաստատուն պահելու Վերաբերյալ Աղվանից կաթողիկոս Տեր Արքին (551–595) ուղղված Հայոց կաթողիկոս Հովհաննես Բ Գարեղինացու (557–574) գրած նամակի կազմմանը⁴⁰: Ստեփանոսի մասին վկայված է նաև Գիրը Թղթոցում⁴¹:

Տայքի հոգևոր դասի Ներկայացուցիչներից էր Հայոց կաթողիկոս Ներսես Գ Տայեցին (641–661): Վերջինս, ինչպես վկայում է Սեբեոսը, Տայքի Իշխան գյուղից էր⁴², սակայն պատմիչը նրան չի դասում Տայքի Եպիսկոպոսների շարքին: Ներսեսին՝ որպես

³⁵ Քրիստոնյա Հայաստան հանրագիտարան, Ե., 2002, էջ 10:

³⁶ Նոյն տեղում:

³⁷ Ղազար Փարպետի, էջ 110:

³⁸ «Գիրը թղթոց», Մատենագրութիւն նախնեաց, Թիֆլիս, 1901 (այսուհետև՝ «Գիրը թղթոց»), էջ 41:

³⁹ Ազգապատում հայ ուղափառ Եկեղեցոյ անցքերը սկիզբէն մինչեւ մեր օրերը յարակից ազգային պարագաներով պատուած, գոյց Մաղաքիա արքեպիսկոպոս Օրմանեան, հ. Ա, Էջմիածին, 2001, սյունակ 583–592:

⁴⁰ Մովսես Կաղանկատուացին եւ իր «Աղուանից աշխարհի պալմութիւն»-ը, Մատենագիրը Հայոց, հ. ԺԵ, ժ. դար, Ե., 2011, էջ 168:

⁴¹ «Գիրը թղթոց», էջ 81:

⁴² Պատմութիւն Սեբեոսի, աշխատասիրությամբ Գ.Վ. Աբգարյանի, Ե., 1979, էջ 166:

Տայոց եպիսկոպոս են հիշում Հովհաննես Դրասխանակերտցին⁴³ և Ստեփանոս Տարոնեցի Ասողիկը⁴⁴: Ներսես Գ-ի հրավիրած Դվինի 645 թ. կամ 648 թ. Եկեղեցական ժողովին ևս մասնակցել է Տայքի Խորաթել անունով եպիսկոպոսը, որը վկայված է Կանոնագրքում⁴⁵: Տայոց Սարգիս եպիսկոպոսը մասնակցել է 726 թ. կաթողիկոս Հովհաննես Գ Օձնեցու (717–728) հրավիրած Մանազկերտի Եկեղեցական յոթերորդ ժողովին⁴⁶: Տայքի վերջին եպիսկոպոս է հիշվում Վերոհիշյալ Սահակ Մոռտ Վարդապետը: Այդ մասին վկայում է Վարդան պատմիչը⁴⁷:

Եկեղեցական ժողովներին վերը թվարկված եպիսկոպոսների մասնակցությունն անգամ բավարար է փաստելու, որ Տայքի եպիսկոպոսական թեմը շարունակում էր մնալ Հայոց Եկեղեցու կազմում: Ընդ որում, նրա հոգևոր հովիվը Եկեղեցական դասի ներկայացուցիչների մեջ մշտապես հիշատակվում է սկզբնական շարքերում, ինչից էլ կարելի է ենթադրել, որ Տայքի եպիսկոպոսները եղել են ազդեցիկների թվում:

Իսկ քաղկեդոնականության տարածմանը Տայքում նպաստեց նաև Երկրամասի ամուր, անմատչելի դիրքը: Հայաստանի մյուս վայրերից հալածվող քաղկեդոնականները թաքնվում և

⁴³ Յովհաննու կաթողիկոսի Դրասխանակերտեցոյ պատմութիւն Հայոց, Թիֆլիս, 1912, էջ 83:

⁴⁴ Ստեփանոսի Տարոնեցոյ Ասողկան Պատմութիւն տիեզերական, Ս. Պետերբուրգ, 1885, էջ 88:

⁴⁵ Կանոնագիրը Հայոց, աշխատասիրությամբ Վ. Հակոբյանի, հ. Բ., Ե., 1971, էջ 214, Օրմակյան Մ., Նշվ., աշխ., սյունակ 829:

⁴⁶ «Գիրք Թոյաց», էջ 223: Տայքի եպիսկոպոսի մասին մանրամասն տե՛ս նաև Տէր-Մինասիանց Ե., Հայոց Եկեղեցոյ յարաբերութիւնները ասորոց Եկեղեցիների հետ, Ս. Էջմիածին, 1908, ծանոթ. 4, էջ 191:

⁴⁷ Վարդան վարդապետ, էջ 85:

ապաստանում էին այստեղ, որի հետևանքով էլ ժամանակի ընթացքում նրանք մեծ թիվ կազմեցին Երկրամասում:

Лиана С. Назарян, Институт истории НАН РА, Распространение халкедонидства в Тайке – Тайк один из тех провинций Великой Армении, где широко распространялось халкедонидство. Оно оставило свой след в культурной, национальной и лингвистической жизни провинции. Тайк и местное население постепенно стало «грузинским», что характеризовало их религию, а не национальность. Несмотря на распространение халкедонидства в регионе, тем не менее, Тайк был и до конца IX в. оставался неотделимой частью Армянской церкви, имея своего епископа.

Liana S. Nazaryan, NAS RA Institute of History, The Spreading of Chalcedonianism in Tayk – Tayk was one of the provinces of Armenia Major where chalcedonianism was widely spread. It left its traces on the ethnic, linguistic image and cultural life of the province as well as the changing of the toponym. Tayk and its local population was gradually “Georganized” which characterized their confession and not the ethnicity. Notwithstanding the spreading of chalcedonianism in the province, never the less, up to the 9th c. Tayk remained an inseparable part of the Armenian Church having its own bishop.